

JÓLABLAÐ

Handknattleiksdeildar 1999

UMF
SELFOSS
1936



Helstu styrktaraðilar
Handknattleiksdeildar UMF. Selfoss

Sendum viðskiptavinum bestu jóla- og nýársóskir



Munið eftir okkur - við erum alltaf í leiðinni

Hótel Vík í Mýrdal

- fyrir árshátíðir fyrirtækja og saumaklúbba

Gesthús

Góður staður fyrir fundi og einkasamkvæmi

Grillið í Fossnesti

- tilvalið í erli dagsins. Góður matur á góðu verði

Bensínstöðin Fossnesti

- sú besta í bænum

Sjáumst hress

Starfsfólk Hótel Víkur í Mýrdal, Gesthúsa og Fossnestis.



FAÐFORM



Formannspistill

Við lok hvers árs er tilefni til að líta yfir það sem liðið er. Við í handboltadeildinni gerum það eins og endranær og horfum líka til framtíðar. Hvað varðar það sem liðið er frá síðustu áramótum þá féll meistaraflokkur karla úr 1. deild á síðasta tímabili og leikur nú í annari deild eins og flestir vita sem fylgjast með.

Já ég sagði fylgjast með. Mér finnst eins og fleirum að það sé ekkert fylgst með handboltanum þegar liðið er ekki í baráttunni um toppseti í 1. deild. Hvar er allt þetta fólk sem hafði svona rosalegan áhuga þegar vel gekk. Það var ekki óalgengt að það væru 400-600 manns á leik í 1. deild hér fyrir 5-7 árum þegar liðið komst í úrslitakeppnina. Þá var húsið hér troðfullt 1000 manns eða meira eins og fullyrt var á sínum tíma. Gerum ráð fyrir að 100-200 manns hafi fylgt andstæðingum okkar, þá hafa verið um það bil 700-900 manns af svæðinu hér þegar best lét. Hvar er allt þetta áhugafólk um handbolta í dag, svo mikið er víst að það kemur ekki á leiki liðsins hvorki á síðasta tímabili né á þessum vetri. Nú er eftir aðeins harðasti kjarninn 30-50 manns og svipað af börnum og unglíngum.

Ég spyr, er þetta eðlileg fækkun áhorfenda, getur verið að mörg hundruð manns hafi gjörsamlega fengið sig fullsadda um aldur og ævi? Nei ég held ekki, ég held að þetta sé desk... „flóamennska“ eins við köllum það í boltanum. Það er ef blutirnir ganga ekki eins og í sögu þá er úthaldið einfaldlega ekki meira og flestir fara að gera eitthvað allt annað eða hvað? Nú svári hver fyrir sig, hugsi kannski málið og velti þessum blutum aðeins fyrir sér.

Það er nú einu sinni svo að það er alltaf að verða erfiðara að „betla“ peninga til að halda starfinu gangandi því að allt snýst þetta um peninga að lokum. Ekki gerir það starfið léttara að það er orðið regla frekar en undantekning að ýmis stóru fyrirtækin vísa öllum óskum um auglýsingar hvort sem er í íþróttahúsi eða í jólablaði til Reykjavíkur. Þar eru markaðs- og auglýsingadeildir sem segja: „Því miður við erum búin með allt það fé sem átti að fara í þetta.“ Þrátt fyrir svona svör eru flennistórar auglýsingar á gólfum og veggjum íþróttahúsa á höfuðborgarsvæðinu. Hvað veldur þessu? Er það áhugaleysi forstöðumanna hér á svæðinu eða hvað?

Hvað varðar árangur íþróttafólks hér á Selfossi og þá er ég aðallega að tala um handboltann sem ég þekki best, það er eins og það vanti alltaf ákveðinn metnað til að ná árangri fyrir sitt félag, það er að leggja sig fram fyrir félagið og spyrja hvað get ég gert fyrir félagið? Ekki hvað getur félagið gert fyrir mig? Það er engin ávísun á árangur að borga mönnum laun fyrir að spila handbolta eins og dæmin rækilega sanna og er kominn tími til að við eignumst kynslóð sem vill leggja eitthvað á sig fyrir félagið án þess að spyrja alltaf um peninga.

Það skiptir máli til framtíðar að allir leggist á eitt að hjálpast að til að ná árangri. Stjórn deildarinnar vill þakka öllum þeim sem stutt hafa deildina gegnum súrt og sætt án þeirra væri þetta ekki hægt, en þeim mætti fjölga sem vilja leggja okkur lið við að byggja upp handboltalið til framtíðar.

Gleðileg jól
F.b. handknattleiksdeildar:
Magnús Jónsson.

12. árgangur
Desember 1999
Útg./ábm.
Handknattleiksdeild Umf.
Selfoss



Stjórn:

Magnús Jónsson formaður
Ólavía Vilhjálmstöðir gjaldkeri
Guðrún Guðbjartsdóttir ritari
Magnús Gíslason meðstj.
Sigurður Ástráðsson meðstj.
Óskar Arellíusson meðstj.
Kristján Eldjárn meðstj.
Kristín Kristjánsdóttir meðstj.

Þjálfarar:

M.fl. karla:
Einar Guðmundsson

2. fl. karla:

Ólafur Einarsson

3. fl. karla:

Gísli Felix Bjarnason

4. fl. karla:

Haraldur Geir Eðvaldsson

5. fl. karla:

Gísli Felix Bjarnason

5. og 6. fl. kvenna:

Ágúst Ketilsson og
Marianna Pálsdóttir

6. fl. karla:

Jóhann Ingi Guðmundsson
aðst. Sigurjón Hafsteinsson

7. fl. karla:

Jóhann Ingi Guðmundsson
aðst. Sigurjón Hafsteinsson



Setning og prentun:
Prentsmiðja Suðurlands ehf.

ÁFRAM SELFOSS!

Þið getið verslað
há okkur frá
kl. 7:30
til kl. 23:30
alla daga,
allt árið.



PIZZA 67

Sendum viðskiptavinum
okkar, svo og öllum
Sunnlendingum bestu
jóla- og nýársóskir.
Þökkum viðskiptin
á árinu.



Selfossi

Sími
482 2267
og
482 3367



Hvar eru þær nú?



Ungir og efnilegir.



Eftir sigur eða hvað?



Ungar konur.



Þá var gaman.



Ungur ég var.

Eygló Jóna Gunnarsdóttir, djáknakandidat

Fel þú Drottni verk þín

Styrkur sálarinnar veitir líkamanum kraftinn, sálin og líkaminn geta hvergi fengið styrk nema frá Guði. Ef þú hefur ekki trú á sjálfum þér, getur þér ekki vegnað vel. Aftur á móti eru þér allir vegir færir ef þú átt trúna á Guð.

Í Orðskviðunum stendur þetta. „Fel þú Drottni verk þín, þá mun áformum þínum framgengt verða.“ (Orðskv. 16:3). Trúin ýtir undir að þú náir þroska og getir notið þeirra hæfileika sem búa með þér, það getur einnig leitt til velgengni á öðrum sviðum. Hugsaðu ekki um þá hluti sem eru þér í óhag, sjáðu heldur fyrir þér allt það jákvæða í lífi þínu og þér mun vegna vel.

Postulinn Páll segir í bréfi sínu til Tímoteusar: „Legg kapp á að reynast hæfur fyrir Guði sem verkamaður, er ekki þarf að skammast sín og fer rétt með orð sannleikans.“ (II. Tím. 2:15.) á öðrum stað segir Páll: „Og sá sem keppir í íþróttum fær ekki sigursveiginn, nema hann keppi löglega.“ (II. Tím. 2:5.). Heiðarleiki borgar sig á öllum sviðum einnig í íþróttum eins og segir í fyrirsögninni: „Fel þú Drottni verk þín.“

Undirbúningur jólanna fer nú að hefjast fyrir alvöru. Bæði börn og full-ordnir sameinast í þeim undirbúningi. En í öllum undirbúningnum megum við ekki gleyma tilefninu, fæðingu frelsarans.

Kærleiki Guðs til manna birtist í því að hann sendi einkason sinn til jarðarinnar til að frelsa synduga menn. Á jólnum fögnum við fæðingu hans, við höldum upp á afmæli Jesú.

Ég óska handboltafólki, aðstoðarfólki þeirra, fjölskyldum og öllum sem lesa þetta blað gleðilegra jóla, megi friður og helgi jólanna fylla hjörtu ykkar.

Eygló Jóna Gunnarsdóttir,
djáknakandidat.



Þökkum
viðskiptin
á árinu sem
er að líða.

Starfsmenn Fossraf.



Eyravegi 3 Selfossi
Sími 482 1439

SELFOSSEVEITUR

Óskum öllum viðskiptavinum okkar
gleðilegra jóla.



Gott og farsælt komandi ár.
Þökkum ánægjuleg viðskipti
á liðandi ári.

SELFOSSEVEITUR



Jólahugvekja

Varið ykkur á jólaglögginu

Nokkur varnaðarorð

Elsku hjartans vinir mínir í handknattleiksdeild Umf. Selfoss. Mætti ég - um leið og ég óska ykkur alls velfarnaðar á sjálfri aðventunni - gefa ykkur eitt hollráð til að stuðla að gæfu ykkar og gengi yfir hátíðirnar og framyfir aldamótin.

- Varið ykkur á jólaglögginu!

Þetta voru einmitt síðustu orð eins ástsælasta handknattleiksmanns þjóðarinnar áður en hann sofnaði ofan í súpuna við upphaf jólaföstudunnar um daginn.

- Varið ykkur á jólaglögginu!

Mér bara svona datt þetta í hug á dögunum, þegar ástæða þótti til að slá því upp í blöðum að stofnað hefði verið til jólaglöggeislu að aflokinni handboltaefingu á jólaföstudunni, gott ef ekki einhvers staðar fyrir austan fjall, og með þeim hrikalegu afleiðingum að menn urðu ekki bara fullir, heldur líka kynóðir og jafnvel svo fárveikir af þessum undarlega rauða og ólystuga rúsínugraut sem kallaður hefur verið jólaglökk, að sumum var vart hugað líf að sögn fjölmiðla.

Ég finn mig knúinn til þess, kærur handboltamenn, um leið og ég árna ykkur árs og friðar á jólahátíð jesúbarnsins að vara ykkur við jólaglögginu því það er lúmskara en sjálfur andskotinn. Það gera rúsínurnar.

Allir verða af jólaglögginu urrandi fullir, áður en þeir geta snúið sér við, af því þeir halda að rúsínur séu vínber sem endanlega hafi verið búið að kreista brennivín úr.

En það er nú eitthvað annað.

Varið ykkur þess vegna á jólaglögginu!

Ólifnaður frá Dönum og Svíum

Þó að við höfum lært eitthvað í handbolta af Svíum er ekki nauðsynlegt að læra af þeim sænska drykkjusiði, en mér skilst að það hafi verið plagsiður í Svíaríki áratugum, eða öldum saman, að stofna til glöggveislu með handboltastelpunum eftir æfingar á jólaföstudunni og láta kné fylgja kviði eins og það er stundum kallað þegar ölóðir með kveisu af jólaglöggi stofna til skyndikynna.

Í Danmörku er talið að jólaglöggsveislur valdi fleiri hjónaskilnuðum en nokkuð annað.

Það er nefnilega í glöggveislum og eftir þær sem menn og konur gleyma mökum og spúsum, kærastar og kærustur tynast, fólk gleymir að það er í sambúð og fögur fyrirheit verða marklaus. Jafnvel heiðarlegar húsfræjgur gefa skít í bændur sína og



hverfa með fjósamönnum en jólaglöggmóðir bændur þeirra grípa næstu lausakonu.

Í glöggveislum íþróttafélaga grípur steggurinn fyrstu gæsina sem gefst. Og gæsin fyrsta stegginn. Margra ára bæld holdleg ást handboltamanna og -kvenna fær hrikalega útrás í krókum og kimum, bak við hurðir, í kútaskápum, tækja- og dýnugeymslum, jafnvel köðlunum í yfirgefnum íþróttasölum.

Danir og Svíar eru gersamlega að missa stjórn á losta sínum og fýsnum. Og hver er bölvaldurinn?

Jólaglöggið.

Varið ykkur á jólaglögginu!

Lúsíugaulið

Hámarki nær sturlunin á svonefndum Lúsíuhátíðum, sem líka er sænskt fyrirbrigði og náskýlt glöggsvallinu.

Ég lærði það ungur að kerti ættu helst heima í kertastjökum og eins mætti halda á kerti í hendinni ef verið væri að reyna að komast leiðar sinnar í myrkri.

Á Lúsíuhátíðum vappa fáklæddar konur um, pissfullar af jólaglöggi eða kannske sturlaðar af rúsínum, í undirkjól einum klæða og með logandi kerti uppá hausnum, gaulandi einhverja innihalds-lausa flatneskju um eitthvað sem kemur málinu ekki nokkurn skapaðn hlut við, í stað þess að halda á kertinu í hendinni og nota það til síns brúks, eins og góðri konu sæmir.

Hámarki nær svo þetta Lúsíupíp þegar allir eru orðnir fárveikir af rúsínugumsinu. Fólkið dregst í einhvern ótilgreindan næturstað til að njóta ótilgreindra listisemda og ekki er það fyrr komið í lárétta stellingu en það er farið að gubba hvert á annað.

Sumir reyna að komast leiðar sinnar í leigubíl og gubba á bílstjórnann sem fær ekki fleira túra til aldamóta útaf lyktinni í bílnum.

Sem sagt - ekki gott.

Og þar með lýkur þessari ljúfu jólahugvekju að öðru leyti en því að ég vil að lokum óska handknattleiksdeild Umf. Selfoss endalausrar gæfu um alla framtíð.

Guð og forsjónin gefi ykkur gleðileg jól og gæfurík aldamót.

Það er bara eitt sem þið verðið að muna:

Varið ykkur á jólaglögginu!

Flosi Ólafsson

Ný félagsaðstaða skapar sóknarfæri

Það er sóknarhugur í Ungmennafélagi Selfoss og framundan eru góð tækifæri fyrir félagið til þess að ná enn frekari árangri í starfinu. Undanfarna mánuði hefur verið unnið að því að innrétta félagsheimilið á Íþróttavellinum og búið er að ákveða innflutningsdaginn sunnudaginn 19. desember klukkan 14,00. Þá munu félagar og gestir koma saman í kaffisamsæti, fagna þessum áfanga og taka húsið formlega í notkun.

Bylting í aðstöðu

Nýja húsið er bylting í aðstöðu til félagsstarfs, þeirrar vinnu sem fram fer hjá stjórnunum íþróttadeilda og þjálfara. Í húsinu er skrifstofuherbergi, fundarsalur fyrir stjórnarfundum og síðan eldhús og stærri salur fyrir hópafundi. Þessi nýja aðstaða verður vel búin tækjum og búnaði til þess að sinna starfinu en þar hefur félagið notið þeirrar miklu velvildar sem fyrirtæki og einstaklingar á Selfossi sýna því. Fjöldi innflutningsgjafa í formi búnaðar hafa borist félaginu og létt róðurinn við að komast í húsið með starfseminu. Þá veittu bæjaryfirvöld félaginu aukaframlag til hússins sem hjálpaði til við að ýta framkvæmdum áfram. Þá er ótalinn fjöldi einstaklinga sem hafa lagt húsinu til vinnu sína á öllum byggingarstigum þess. Bygginganefnd hússins, Þórarinn Ingólfsson, Ólafur Ragnarsson gjaldkeri og Gunnar Guðmundsson hafa borið hitann og þungann af því starfi frá því fyrsta skóflustungan var tekin.

Á vímulausu svæði

Félagsheimilið stendur á íþróttasvæðinu og íþróttasvæðið er vímulaust svæði þar sem öll meðferð áfengis og vímuefna er bönnuð. Reykingar verða einnig bannaðar í nýja húsinu og þess krafist að íþróttafólk í eldri flokkum sýni gott fordæmi í þessu efni.


Nýja aðstaðan skapar stjórnunum íþróttadeilda og þjálfurum gott sóknarfæri. Nú mun þeim gefast möguleiki á því að skipuleggja félagsstarf í kringum þennan samastað og skapa þannig öflugri einingu í hverjum aldursflokki. Þarna geta íþróttahópar komið saman og átt skemmtilegar stundir, horft saman á leiki, sett upp skemmtikvöld eða haldið fræðslufundi á þeim fjölmörgu sviðum sem félagið starfar á. Þessi nýja aðstaða

gerir kröfur til félagsins um stjórnunarlegt skipulag um leið og þar er fólgið sóknarfæri sem ég er viss um að stjórnir deildanna, unglíngaráðin, starfsráð einstakra aldursflokka og þjálfarar munu nýta sér því þar er fólgin krafturinn sem knýr félagið áfram.

Ég hvet ungmennafélaga og velunnara félagsins til þess að koma á völlinn 19. des og skoða húsið og þiggja kaffi og kökur.

Fleiri íþróttatímar nauðsynlegir

Ungmennafélagið hefur sett fram til bæjaryfirvalda áherslur sínar varðandi uppbyggingu íþróttar-



Sigurður Jónsson.

Ég bið ekki um hjálp. Ég fæ þjónustu!

Þess vegna er ég í Vörðunni!

„Hjá mér geta tekjur og útgjöld verið misjöfn frá mánuði til mánaðar. Þess vegna læt ég bankann minn um að dreifa útgjöldunum á allt árið. Þetta er þjónusta sem hentar mér mjög vel - þess vegna er ég í Vörðunni.“

Þorsteinn er einn af þeim sem þurfa t.d. ekki á láni að halda í dag, en vilja gjarnan eiga rétt á því á morgun. Þetta er dæmi um öryggi og þægindi sem felst í því að hafa öll fjármálin á einum stað.

Í Vörðunni er margvísleg boði, meðal annars:

- Yfirdráttarheimild, allt að 550.000 kr. án ábyrgðarmanns.
- Vörðulán, allt að 700.000 kr. án ábyrgðarmanns.
- Gulldebetkort, aðildarkort Vörðunnar sem veitir aðgang að ýmsum fríðindum.
- Gullkreditkort, Visa og Vildarkort Flugleiða.

„Hafðu samband við bankann þinn og kynntu þér viðtæka þjónustu Vörðunnar.“



Alvöru þjónusta fyrir alvöru fólk

Afgreiðslustofa
símaþjónusta
482 1404

Landsbankinn
Selfossi

